

## SHKALLËT E BESIMTARËVE NË RRUGËTIMIN DREJT ALLAHUT (MEDAARIXH ES-SAALIKIIN)

---

### Kredhja / *el-Garak* / الغرق

Dr. Hatim el-Haxh

Materiali është përmbledhje e kuptimeve të audio-ligjëratës nga nxënësit e hoxhës

<https://buff.ly/2hbVv4T>

Allahu ﷻ tha:

"فَلَمَّا أَسْلَمًا وَتَلَّهِ لِجَبِينِ"

"Kur ata dy u nënshtruan dhe ai e vendosi me ballë përtokë."<sup>1</sup> (es-Saffat, 103)

Në këtë kaptinë, ky emër i referohet atij që ka mbërritur mesin e shkallës (stacionit) dhe ka kapërcyer kufirin e *teferruk* (shkapëderdhjes)<sup>2</sup>. Kjo ka tri nivele:

Niveli i parë është kredhja e dijes në gjendjen e brendshme, dhe ky është personi që:

- Ka arritur virtytshmëri
- Ka identifikuar sinjalet<sup>3</sup>
- Duke merituar kështu përkatësi<sup>4</sup>

Niveli i dytë është kredhja e sinjaleve në zbulim<sup>5</sup>, dhe ky është personi që:

---

<sup>1</sup> Shkalla e kredhjes (*el-Garak*) u nis me këtë ajet, sepse të dy, edhe Ibrahim, edhe Ismaili, duhet të kenë qenë kredhur plotësisht në kushtimin ndaj Zotit dhe në devocionin ndaj Tij që humbën ndjesinë e egove të tyre gjatë atij çasti të nënshtrimit të plotë dhe të sakrificës.

<sup>2</sup> *Teferruk* (تَفَرُّق) (shkapëderdhja, humbja e vëmendjes) është gjendja kur shpirti është i shpërndarë dhe i tërhequr nga shumë drejtime. Kjo është e kundërta e *xhem'* (جَمْع) (tërësisë, unitetit, bashkimit) me Allahun.

<sup>3</sup> Sinjalet e tij tregojnë qartë për gjendjet e brendshme të cilat janë të qëndrueshme.

<sup>4</sup> T'i atribuohesh më të Lartit si rob i Tij, nderi më i madh që njeriu mund të aspirojë.

<sup>5</sup> Zbulimi i shumë manifestimeve të cilësive hyjnore.

- Flet për gjetjet e veta<sup>6</sup>
- Ecën me të parët<sup>7</sup> e vet
- Dhe nuk ndien formën e vet të papërpunuar<sup>8</sup>

Niveli i tretë është kredhja e manifestimeve në bashkim<sup>9</sup>, dhe ky është personi që:

- U mbulua nga dritat e përparësisë (hyjnore)
- Kështu që këqyri me sy të hapur në para-përjetësi<sup>10</sup>
- Dhe kësisoj hoqi qafesh aspiratat e ulëta<sup>11</sup>

---

<sup>6</sup> Kur personi përshkruan gjendjet dhe shkallët, e bën këtë duke u bazuar në përvojë, jo vetëm në dije.

<sup>7</sup> Të parët e tij të objektivit përfundimtar e shoqëron gjatë shtegut.

<sup>8</sup> Për shkak se ai përqendrohet në qëllimin e tij, ai nuk ndien as formën e vrazhdë të vetvetes.

<sup>9</sup> Përthithja në qenësinë (*dhaat*) e hyjnores. Të parët e përsosur është të shohësh shumësinë e cilësive të Tij në njësinë e qenësisë së Tij.

<sup>10</sup> Ai shikon çastin kur Allahu ishte dhe çdo gjë tjetër nga universi nuk ishte.

<sup>11</sup> Pasi të ketë udhëtuar mendërisht deri në para-përjetësi, personi do të kërkojë vetëm të Parin, të Ekzistuarin e Domosdoshëm, jo krijesat e varura dhe të krijuara.